

CUNVEGNA DA PRESTAZIUN

traunter

Sils/Segl i. E., Silvaplauna, San Murezzan, Puntraschigna, Celerina/Schlarigna, Samedan, Bever, La Punt Chamues-ch, Madulain, Zuoz e S-chanf

(cun circa 17'000 abitants)

scu vschinaunchas, agind leghelmaing tres lur executiva cumünela
(mandant)

e

l'ospidel d'Engiadin'Ota (OEO), numno in seguit Fundaziun center da sandet
Engiadin'Ota,

Via Nouva 3

7503 Samedan

rapreschanto tres il president da la cumischiun e la direcziun
(mandatari)

davart

Gestiun da la chesa da chüra d'Engiadin'Ota

1. Pream

l'ram da l'aboliziun dal circol stu traunter oter eir gnir s-chaffida üna nouva fuorma giuridica scu purteder per l'ospidel e per la chesa d'attempos e da chüra. Cul böt d'accumplir il profil directiv per l'organisaziun dal provedimaint da sandet i'l chantun Grischun dessan in quist connex gnir concentradas las activiteds correspudentas in ün center da sandet e realisedas in maniera coordinada. Per quist motiv dess gnir fundeda la Fundaziun ospidel d'Engiadin'Ota. Ella dess, ultra dal mandat da prestaziun da l'ospidel, pudair realiser eir ulteriuras incumbenzas i'l sector da sanited, uschè cha resulta da que ün provedimaint da sandet integro per l'Engiadin'Ota.

Ad existan differentas iniziativas per cuverner il bsögn da piglier zieva l'infrastructura i'l sector da la chüra a lungia düreda. Uschè staun in planisaziun e realisaziun duos progets da chesas da chüra. San Murezzan, Silvaplauna e Sils/Segl i. E. planiseschan la realisaziun d'ün proget a San Murezzan. Las ulteriuras vschinaunchas da l'Engiadin'Ota planiseschan l'edifizi nouv d'üna chesa da chüra al lö da la chesa d'attempos da fin uossa a Promulins. La fabrica e la gestiun dessan succeder in maniera coordinada, però sainza negliger ils bsögns da las vschinaunchas respectivas.

2. Scopo

Quista cunvegna definescha ils böts e las incumbenzas dal mandatar e fixescha ils drets ed obligs vicendaivels.

Confuorm a las sequaintas explicaziuns trasfereschan las vschinaunchas la gestiun da la chüra a lungia düreda a l'OEO. Il böt es ün provedimaint d'ota qualited ed oriento tenor l'umaun da la populaziun e dals giasts i'l sector da la chüra a lungia düreda.

A sto liber a l'OEO d'offrir ulteriuras prestaziuns, premiss cha lur finanziaziun es sgüreda, scha las pretaisas qualitativas da vart dal chantun e da la confederaziun paun gnir accumulidas, sch'ellas praistan üna contribuziun directa u indirecta per

ameglrer il provedimaint da sandet in Engiadin'Ota e scha l'approvaziun da tuot las vschinaunchas es avaunt maun.

3. Basa leghela

- Ledscha federela davart la sgüraunza d'amalos dals 18 marz 1994
- Ordinaziun davart la sgüraunza d'amalos dals 27 gën 1995
- Ledscha davart ils fats da sandet i'l chantun Grischun (ledscha da sandet)
- Ordinaziun tar la ledscha da sandet
- Ledscha per promover la chüra d'amalos e l'assistenza da persunas attempedas e da persunas cun bsögn da chüra (ledscha per promover la chüra d'amalos)
- Ordinaziun tar la ledscha per promover la chüra d'amalos
- scu eir ulteriurs reglamaints ed ulteriuras directivas dal chantun.

4. Böts da prestaziun

4.1 Principis

Las parts dal contrat fixeschan ils seguaints principis:

- L'OEO as drizza tenor il profil directiv actual davart l'organisaziun dal provedimaint da sandet i'l chantun Grischun scu eir tenor il profil directiv da vegldüna dal chantun.
- Las prestaziuns da l'OEO succedan in collavuraziun traunter partenaris. Partenaris sun paziants e lur confamigliers, meidis, terapeuts, ulteriurs ospidels ed ulteriuras chesas, posts da cussagliaziun, sgüreders eui.
- Ils mezs finanziaels chi staun a disposiziun stögljan gnir impundieus economicamaing, efficiaintamaing e confuorm a l'intent.
- Al lö vain indicheda üna persuna da contact per abitants e confamigliers.

4.2 Prestaziuns / qualited

L'OEO garantescha il provedimaint da la chüra a lungia düreda in Engiadin'Ota confuorm a las prescripziuns chantunelas ill'immobiglia Promulins chi vain missa a disposiziun da las vschinaunchas. La spüerta cumpiglia las seguaintas prestaziuns:

- chüra a lungia düreda, inclusivmaing partiziun per demenza

- lets da vacanzas
- structuradas da di e da not
- chüra transitorica.

Las prestaziuns vegnan furnidas in stretta coordinaziun cun la chüra acuta ed ambulanta scu eir cun ulteriurs furniturs da prestaziuns, cul böt da garantir ün provedimaint integro. Las cundiziuns da basa vegnan adüna fixedas in ün concept da gestiun ed examinadas, resp. deliberedas dal chantun i'l ram dal permiss da gestiun. Las prestaziuns sun definidas i'l management da qualited tenor QMS ISO 9001:2015 ed includan las prescripziuns respectivas dal chantun, resp. da la confederaziun. La survagliaunza es regleda dal chantun.

4.3 Recepziun e dischlocaziun

La chesa da chüra es libra da recepir persunas i'l ram dals seguaints princips.

- Fin cha la spüerta existentata surpassa la dumanda per plazzas, es la chesa libra da recepir persunas. Impustüt paun eir gnir recepidas persunas chi nun haun lur domicil illas vschinaunchas da contrat. Fin cha la finanziaziun restanta dals cuosts da chüra tenor la ledscha davart la sgüraunza d'amalos sül plaun federel nun es regleda definitivmaing, paun gnir recepidas persunas our d'üna vschinauncha our dadour il chantun Grischun chi vulessan entrar directamaing illa chesa da chüra be in cas chi'd es avaunt maun üna garanzia pels cuosts tres la vschinauncha da derivaunza extrachantunela per finanziaier la quota cumünela vi dals cuosts da chüra.
- In cas cha la dumanda surpassa la spüerta da lets actuela, velan las seguaintas reglas:
 - La chesa maina üna glista da spetter cun persunas chi sun prontas d'entrer al mumaint cha'l prossem let vain liber (glista da spetter urgiainta).
 - Abitantes ed abitants da las vschinaunchas da contrat vegnan recepieus cun prioritad
 - Uschigliö vegnan recepidas persunas sün la glista da spetter urgiainta, resguardand la prioritad medicinica e da chüra e la successiun da lur annunzcha.
- La chesa po refüser per motivs importants la recepziun da persunas, resp. sdir giò per motivs importants il contrat cun persunas recepidas.

- Ün ot bsögn da chüra tar abitantas ed abitants da las vschinaunchas da contrat nun es üngün motiv da na recepir telas persunas.

4.4 Finanziaziun

- La finanziaziun per la gestiun da chesas da chüra es regleda illa ledscha chantunela per promover la chüra d'amalos. A nu sun previsas üngünas ulteriuras contribuziuns da las vschinaunchas.

Per cas cha las cundiziuns da basa giuridicas, structurelas e/u finanziaelas vessan da's müder fundamentelmaing, es quista cunvegna da tratter e da stipuler danövmaing.

- La Promulins SA do a fit a l'ospidel d'Engiadin'Ota l'immobiglia chesa da chüra Promulins e metta a disposiziun l'inventar necessari e las mobiglias necessarias scu eir il chapitêl da gestiun necessari.
- Il fit scu eir il chapitêl da gestiun necessari chi stu gnir surpiglio vegnan reglos traunter la Promulins SA e l'ospidel d'Engiadin'Ota.

5. Rapport da gestiun

L'OEO metta a disposiziun a las vschinaunchas il rapport annuel ed il quint annuel.

6. Qualificaziuns

A basa da las prescripziuns decretedas da l'uffizi da sandet s'oblia l'OEO d'instruir, ingascher ed installer persunel qualificho (confuorm a la ledscha da sandet) per accumplir la cunvegna da prestaziun.

7. Validited

Quista cunvegna da prestaziun vela fundamentelmaing per set ans a partir dals 01. schner 2017. Zieva trais ans po ella gnir sditta giò adüna per la fin da l'an cun termin da desditta da quatter ans, per la prüma vouta pels 1. schner 2024. Sainza desditta as prolunghescha il contrat automaticamaing per ün ulteriur an, cul medem termin da desditta.

Decisiun da la radunanza cumünela dals

Vschinauncha da Zuoz

.....

Il president

.....

L'actuar

Decisiun da la radunanza cumünela dals

Vschinauncha da S-chanf

.....

Il president

.....

L'actuar

Samedan, ils ...

Per l'ospidel d'Engiadin'Ota

.....

President

.....

Direcziun